

ÁKVÖRDUN SAMEIGINLEGU EES-NEFNDARINNAR
nr. 7/2025

2025/EES/30/07

frá 7. febrúar 2025

um breytingu á I. viðauka (Heilbrigði dýra og plantna) við EES-samninginn

SAMEIGINLEGA EES-NEFNDIN HEFUR,

með vísan til samningsins um Evrópska efnahagssvæðið („EES-samningurinn“), einkum 98. gr.,

og að teknu tilliti til eftirfarandi:

- 1) Fella ber inn í EES-samninginn framkvæmdarreglugerð framkvæmdastjórnarinnar (ESB) 2024/2412 frá 13. september 2024 um endurnýjun á leyfi fyrir blöndu með *Pediococcus pentosaceus* DSM 23688 sem fæðuaukefni fyrir allar dýrategundir og um breytingu á framkvæmdarreglugerð (ESB) nr. 84/2014 ⁽¹⁾.
- 2) Fella ber inn í EES-samninginn framkvæmdarreglugerð framkvæmdastjórnarinnar (ESB) 2024/2414 frá 13. september 2024 um leyfi fyrir einiilmkjarnaolíu og einitinktúru úr *Juniperus communis* L. sem fæðuaukefni fyrir allar dýrategundir ⁽²⁾.
- 3) Ákvörðun þessi varðar löggjöf um fæður. Ákvæði löggjafar um fæður skulu ekki gilda gagnvart Liechtenstein meðan ákvæði samnings Evrópubandalagsins og Sambandsríkisins Sviss um verslun með landbúnaðarvörur taka einnig til Liechtenstein, eins og fram kemur varðandi aðlögun á tilteknum sviðum í I. viðauka við EES-samninginn. Ákvörðun þessi á því ekki að gilda gagnvart Liechtenstein.
- 4) I. viðauki við EES-samninginn breytist því í samræmi við það.

SAMÞYKKT ÁKVÖRDUN ÞESSA:

1. gr.

Eftirfarandi breytingar eru gerðar á II. kafla I. viðauka við EES-samninginn:

1. Eftirfarandi undirlið er bætt við lið 2zzu (framkvæmdarreglugerð framkvæmdastjórnarinnar (ESB) nr. 84/2014):

„— **32024 R 2412:** Framkvæmdarreglugerð framkvæmdastjórnarinnar (ESB) 2024/2412 frá 13. september 2024 (Stjtið. ESB L, 2024/2412, 16.9.2024).“

2. Eftirfarandi liður bætast við á eftir 616. lið (framkvæmdarreglugerð framkvæmdastjórnarinnar (ESB) 2024/2394):

„617. **32024 R 2412:** Framkvæmdarreglugerð framkvæmdastjórnarinnar (ESB) 2024/2412 frá 13. september 2024 um endurnýjun á leyfi fyrir blöndu með *Pediococcus pentosaceus* DSM 23688 sem fæðuaukefni fyrir allar dýrategundir og um breytingu á framkvæmdarreglugerð (ESB) nr. 84/2014 (Stjtið. ESB L, 2024/2412, 16.9.2024).

618. **32024 R 2414:** Framkvæmdarreglugerð framkvæmdastjórnarinnar (ESB) 2024/2414 frá 13. september 2024 um leyfi fyrir einiilmkjarnaolíu og einitinktúru úr *Juniperus communis* L. sem fæðuaukefni fyrir allar dýrategundir (Stjtið. ESB L, 2024/2414, 16.9.2024).“

2. gr.

Texti framkvæmdarreglugerða (ESB) 2024/2412 og (ESB) 2024/2414, sem verður birtur í EES-viðbæti við Stjórnartíðindi Evrópusambandsins, er gildur á íslensku og norsku.

⁽¹⁾ Stjtið. ESB L, 2024/2412, 16.9.2024, ELI: http://data.europa.eu/eli/reg_impl/2024/2412/oj

⁽²⁾ Stjtið. ESB L, 2024/2414, 16.9.2024, ELI: http://data.europa.eu/eli/reg_impl/2024/2414/oj

3. gr.

Ákvörðun þessi öðlast gildi 8. febrúar 2025, að því tilskildu að allar tilkynningar samkvæmt 1. mgr. 103. gr. EES-samningsins hafi farið fram (*).

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 7. febrúar 2025.

Fyrir hönd sameiginlegu EES-nefndarinnar

Nicolas von Lingen

formaður.

(*) Engin stjórnskipuleg skilyrði gefin til kynna.